

# INUIT ATAQATIGIIT

## Inatsisartuni



13. December 2019

Inatsisartut suleriaasianni § 37, imm. 1 naapertorlugu matumuuna Naalackersuisunut imaattumik apeqquteqaateqarpunga.

### Naalackersuisunut apeqqutit:

1. Kisimiittumut ukiumut 150.000,- tungaanut isertaqartartumut aammalu aappariinnut imaluunniit kisimiittumut 18-it inorlugit meeralimmut katillugu ukiumut 250.000,- nik tungaanut isertitaqartunut 65%-mik ineqarnermut tapiissutinik tapiiffigineqartalissagaluarpata, tamanna nunatta karsianut aningaarsartuutaanerulissava?
  - a. Aappiuppat taava tamanna nunatta karsianut qanoq aningaarsartuutaanerulissava?
2. Taamatut aaqqiisoqassagaluarpat;
  - a. Inatsisitigut suut aporfiussappat?
  - b. Allaffissornikkut suleriaatsikkullu suut aporfiussappat?

(Inatsisartunut ilaasortaq Peter Olsen, Inuit Ataqatigiit)

### Tungavilersuut:

Nunatsinni 65 %-iisa missai isertitakitsuupput. Akiitsut akiitsunillu akilersuineq pillugu Naalackersuisut nassuiaataat 2017-meersoq malillugu innuttaasut ukiumut 150.000,- ataallugit isertitalinni akiitsuusa annersaasa ilaat tassaapput ineqarnermut akiligassat. Ineqarnermut akiligassat katillugit 50.277.000.kr,- iusimallutik.

Tassuuna takuneqarsinnaavoq innutasut ilarparujussuisa akiligassaminnut akiliisinnaassusaat annikippallaarujussuartoq. Akiitsut, akiliisinnaassutsip aammalu pisortat inissiaataannik aserfallatsaaliineq imminnut ataqatigiilluinnaqqissaarput.

Tamatumalu aamma takutippaa tapiissuteqartarnikkut piumasaqaataasut tungaatigut allannguisoqar-tariaqarnera.

Tamaatut tungavilersuuteqarlunga apeqquteqaatikka matumuuna ingerlateqqippakka.

Qinnutigissavara apeqquteqaatima ullut suliffiusut qulit iluanni akineqarumaartut.